



**CONVENIO DE COLABORACIÓN EXCEPCIONAL ENTRE A EXCMA. DEPUTACIÓN PROVINCIAL DE LUGO O CONCELLO DE O CORGO**

Lugo, 9 de decembro de 2014

**REUNIDOS**

Dunha parte, o Ilmo. Sr. Don José Ramón Gómez Besteiro, presidente da Excma. Deputación provincial de Lugo que actúa en nome e representación da entidade local, de acordo co disposto no art. 34 da Lei 7/1985, de 2 de abril, reguladora das bases do réxime local, asistido polo Secretario Xeral da entidade, don José Antonio Mourelle Cillero.

E doutra, don José Antonio Ferreiro González, con NIF 33.782.978-A en representación do Concello de O Corgo, con CIF P-2701400J, que actúa en nome e representación da entidade local, en base ao disposto no artigo 21 da Lei 7/1985, de 2 de abril, reguladora das bases de réxime local.

Ambas partes recoñécense mutuamente a capacidade xurídica necesaria para a formalización do presente convenio, e de común acordo,

**MANIFESTAN**

**Primeiro.-** Que con data 5 de decembro de 2014, por Acordo da Xunta de Goberno da Excma. Deputación Provincial de Lugo, estimouse a concesión dunha subvención directa de carácter excepcional, a favor do Concello de O Corgo, por importe de cincuenta mil euros (50.000,00 €), para levar a cabo o proxecto denominado: "Revalorización do Sector Turístico".

**Segundo.-** Que a concesión desta subvención se encadra no establecido no artigo 22.2 c) da Lei 38/2003, de 17 de novembro, Xeral de Subvencións, e no establecido no Plan Estratéxico de Subvencións da Excma. Deputación Provincial de Lugo, para o ano 2014, o cal prevé na Liña B de Turismo da Área de Cultura, Turismo, Ensino, Normalización Lingüística e Patrimonio Histórico, a realización de actuacións dirixidas á difusión e promoción dos produtos e servizos turísticos, ás excelencias dos territorios e ao fomento das actividades que teñen por obxecto o impulso do sector do ocio e do turismo.

**Terceiro.-** Que existe crédito adecuado e suficiente para facer fronte ás obrigas económicas derivadas da subscripción do presente convenio na aplicación orzamentaria 4320.762 do orzamento xeral da Excma. Deputación Provincial de Lugo, para o ano 2014, por importe de 50.000,00 euros.

E con base en tales antecedentes, ambas as dúas institucións consideran oportuno establecer un convenio de acordo coas seguintes,

**CLÁUSULAS**

**Primeira.-** O obxecto do presente convenio é regular a subvención de carácter excepcional concedida pola Excma. Deputación Provincial de Lugo ao Concello de O Corgo, para sufragar os gastos do proxecto denominado: "Revalorización do Sector Turístico".

**Segunda.-** A subvención inclúese dentro da Liña B de Turismo, da Área de Cultura, Turismo, Ensino, Normalización Lingüística, Patrimonio Histórico e do Plan Estratéxico de Subvencións da Excma. Deputación Provincial de Lugo, para o ano 2014.

**Terceira.-** O importe da subvención concedida pola Excma. Deputación Provincial de Lugo é de cincuenta mil euros (50.000,00€), non tendo o dito importe o carácter de certo, xa que fai referencia a unha porcentaxe ou fracción do custo total do proxecto, xa que a lo menos, o 5% do proxecto subvencionado deberá ser financiado pola propia entidade beneficiaria.

En caso de incumprimento do previsto no parágrafo anterior, procederase á redución da parte proporcional da achega económica provincial.

En ningún caso o importe da subvención concedida poderá ser de tal contía que, illadamente ou en concorrencia con subvencións ou axudas doutras Administracións Públicas ou entes públicos ou privados supere o custo total da actividade subvencionada.



**Cuarta.-** Considéranse gastos subvencionables, aqueles que de maneira indubidable respondan á natureza do investimento subvencionado e resulten estritamente necesarios e se realicen entre o 1 de xaneiro de 2014 e o 31 de marzo de 2015.

Os gastos financeiros, os gastos de asesoría xurídica ou financeira, os gastos notariais e rexistras e os gastos periciais para a realización do proxecto subvencionado e os de administración específicos son subvencionables si están directamente relacionados coa actividade subvencionada e son indispensables para a adecuada preparación ou execución da mesma.

Para os efectos do disposto no artigo 31.1 e 2 da Lei 38/2003, de 17 de novembro, xeral de subvencións, considérase gasto realizado o que se acredite coa presentación das facturas e/ou xustificantes de gasto, sen que sexa necesario que este estea pagado nin que se acredite o seu pagamento.

**Quinta.-** O orzamento estimado de gastos do Concello de O Corgo, para levar a cabo o proxecto denominado: "Revalorización do Sector Turístico", ascende á cantidade de cincuenta e cinco mil trescentos vinte e oito euros con sesenta e cinco céntimos (55.328,65 €).

**Sexta.-** O beneficiario poderá subcontratar con terceiros ata o 100 por cento do importe da actividade subvencionada.

**Sétima.-** O beneficiario comprométese a desenvolver as seguintes accións, actividades e/ou comportamentos:

- Levar a cabo o proxecto denominado: "Revalorización do Sector Turístico".
- Ao pagamento de cantos gastos, dereitos, canons, taxas, impostos, compensacións e indemnizacións aos que dera lugar o cumprimento das actividades a desenvolver en virtude do presente convenio, así como a obtención de todos os permisos, licenzas e seguros precisos para a súa execución.

**Oitava.-** O aboamento da subvención realizarase do seguinte modo:

O sesenta por cento do importe da subvención, é dicir, trinta mil euros (30.000,00 €), faranse efectivos mediante un anticipo a conta, cón dispensa de garantía, a través de transferencia bancaria á conta corrente do beneficiario, unha vez asinado o convenio.

O corenta por cento restante, é dicir, vinte mil euros (20.000,00 €), aboaranse unha vez aprobada a documentación xustificativa da subvención, a través de transferencia bancaria á conta corrente do beneficiario.

Non se aboará a subvención se o beneficiario non está ao corrente no cumprimento das súas obrigas tributarias e coa seguridade social ou sexa debedor por resolución de procedencia de reintegro.

**Novena.-** Se é o caso, o beneficiario da subvención incluírá a imaxe corporativa da Deputación de Lugo-Vicepresidencia Primeira- Turismo, a cal será cedida pola Deputación Provincial de Lugo.

**Décima.-** Unha vez finalizada a actividade, acción ou comportamento e no prazo establecido, o beneficiario deberá xustificar a subvención mediante a presentación da seguinte documentación xustificativa:

- Memoria da actividade xustificativa do cumprimento das condicións que orixinaron a concesión da subvención explicando as actividades e os resultados obtidos.
- Memoria económica xustificativa do custo da actividade subvencionada, que conterá:
  1. Relación clasificada dos gastos, polo custo total da actividade, con identificación do acredor e documento, importe e data de emisión.
  2. Facturas ou documentos de valor probatorio equivalente no tráfico xurídico mercantil ou con eficacia administrativa, xa sexan orixinais ou copias autenticadas ou compulsadas, incorporadas na relación á que fai referencia o parágrafo anterior.
  3. Certificación expedida polo Interventor ou o Secretario do concello do custo total da actividade subvencionada indicando o importe do financiamento, acreditando que a relación dos gastos da actividade subvencionada atópase executado e as obrigas recoñecidas ou liquidadas polo órgano competente.



4. Certificación expedida polo Interventor ou Secretario do concello de que, a acción ou comportamento obxecto da subvención, foi realizada na súa totalidade co cumprimento das condicións que motivaron a súa concesión.
- No seu caso, acta de recepción.
  - Declaración responsable do representante do concello da relación detallada das subvencións ou axudas obtidas doutras administración públicas ou entidades privadas para a actividade subvencionada, con indicación do seu importe e procedencia ou no seu caso, de non ter outras subvencións públicas ou privadas para a actividade subvencionada.
  - Declaración responsable do representante do concello de estar ao corrente das súas obrigas tributarias coa Axencia Estatal da Administración Tributaria, Xunta de Galicia, Deputación Provincial de Lugo e coa Seguridade Social e de non ser debedor por resolución de procedencia de reintegro.
  - Declaración responsable do concello de que asumiu o custo do imposto sobre o valor engadido (IVE), por non ter posibilidade de compensalo ou recuperalo.
  - Se é o caso se acompañarán documentos que acrediten que a imaxe corporativa de Deputación de Lugo – Vicepresidencia Primeira – Turismo, se inseriu na publicidade da actividade ou comportamento subvencionado. Estes documentos acreditativos poden ser substituídos por unha declaración responsable do beneficiario.
  - Documento bancario no que se indique o número da conta da entidade beneficiaria na que se procederá, no seu caso, ao aboamento da correspondente subvención.
  - No caso de non executarse a totalidade da cantidade aboada en concepto de anticipo, presentarase documentación xustificativa do reintegro da parte non executada na conta da Deputación: 2080-0163-85-3110000423. De non cumprirse esta obrigación, procederá o reintegro da cantidade percibida e non executada e a esixencia do xuro de mora correspondente desde o momento do pagamento da achega ata a data na que se acorde a procedencia do reintegro.

O aboamento da subvención, unha vez aprobada a documentación xustificativa da mesma, será efectuada mediante transferencia bancaria á conta sinalada polo solicitante. Non se procederá ao seu aboamento se o solicitante non está ao corrente no cumprimento das súas obrigas tributarias e coa Seguridade Social ou sexa debedor por resolución de procedencia de reintegro.

**Décima.-** A presentación da documentación xustificativa constitúe un acto obrigatorio do beneficiario.

O prazo para a presentación da documentación xustificativa, comezará unha vez finalizada a actividade subvencionada, e finalizará o **1 de xuño do 2015**. Transcorrido este prazo sen ter presentada a documentación xustificativa, requirirase ao beneficiario para que no prazo improrrogable de quince días sexa presentada. A falta de presentación da documentación xustificativa, neste prazo adicional, levará consigo a perda do dereito ao cobramento da subvención o reintegro da cantidade aboada como anticipo a conta e demais responsabilidades previstas na Lei xeral de subvencións.

**Undécima.-** En todo caso, a Excm. Deputación Provincial de Lugo, a través dos seus órganos de control económico – financeiro, poderá en calquera momento inspeccionar e controlar o destino da achega económica realizada pola Deputación e o cumprimento dos fins para os que foi concedida. Para este efecto, o beneficiario da subvención poñerá a disposición dos devanditos órganos toda a documentación que lle requiran co fin de realizar un correcto control e inspección sobre os gastos para os que se concede a achega económica.

**Duodécima.-** O presente convenio terá vixencia dende o día seguinte á súa formalización ata o **31 de marzo de 2015**, con efectos económicos dende o **1 de xaneiro de 2014**.

Este convenio non pode ser prorrogado.

Calquera modificación e/ou ampliación do presente convenio efectuarase por acordo entre as partes mediante addenda respectiva.

**Décimo terceira.-** Serán causas de resolución anticipada do presente convenio:

- A renuncia por escrito á subvención concedida.
- A imposibilidade sobrevida, legal ou material, para desenvolver as actividades que constitúen o seu obxecto.
- O incumprimento grave ou manifesto das súas cláusulas.



## DEPUTACIÓN DE LUGO

**Décimo cuarta.-** A Excm. Deputación Provincial de Lugo queda exonerada de toda clase de responsabilidade civil, mercantil, laboral ou de calquera tipo que se derive das actuacións ás que queda obrigado o beneficiario.

**Décimo quinta.-** En todo caso, a Excm. Deputación Provincial de Lugo, a través dos seus órganos de control económico financeiro, poderá en calquera momento inspeccionar e controlar o destino da achega económica realizada pola Deputación e o cumprimento dos fins para os que foi concedida. Para ese efecto, o beneficiario da subvención poñerá a disposición dos devanditos órganos toda a documentación que lle requiran co fin de realizar un correcto control e inspección sobre os gastos para os que se concede a achega económica.


**Décimo sexta.-** A información e datos correspondentes ás persoas/entidades/colectivos beneficiarios da presente subvención atópanse amparados pola Lei Orgánica 15/1999, de 13 de decembro, de Protección de datos de carácter persoal polo que tanto o beneficiario como a Deputación Provincial de Lugo gardarán segredo profesional sobre todas as informacións, documentos e asuntos aos que teñan acceso ou coñecemento durante a vixencia do convenio, estando obrigados a non facer públicos ou allear cantos datos coñezan como consecuencia ou con ocasión da súa execución, ata despois de finalizar o prazo de vixencia deste.

**Décimo sétima.-** O presente convenio ten natureza administrativa e rexerese, ademais de polo disposto nel, polas normas de dereito administrativo que, directamente ou por analogía, puidesen resultar de aplicación. En particular, resulta aplicable o disposto na Lei 38/2003, do 17 de novembro, xeral de subvencións, no Real decreto 887/2006, do 21 de xullo, polo que se aproba o seu regulamento, na Lei 9/2007 do 13 de xuño, de subvencións de Galicia, na Ordenanza xeral de subvencións da Excm. Deputación Provincial de Lugo, o Regulamento Orgánico da Deputación de Lugo, as Bases de Execución do Orzamento Xeral da Deputación de Lugo e no Plan Estratéxico de Subvencións para a presente anualidade.

**Décimo oitava.-** A Xurisdición Contencioso -Administrativa será a competente para resolver cantas cuestións litixiosas poidan xurdir entre as partes asinantes do presente convenio.


En proba de conformidade cos termos do presente convenio regulador, as partes comparecentes o asinan e rubrican por triplicado, para un só efecto no lugar e data expresados.

O Presidente  
P.D. Decreto nº 2228/2012, de data 18-07-2012  
A Vicepresidenta



Lará Méndez López

O Alcalde-Presidente do Concello de O Corgo



José Antonio Ferreiro González

O Secretario Xeral



José Antonio Mourelle Cillero